

國

語

正

義

國語正義卷第四

歸安重增齡撰集

魯語上

長勺之役曹劌問所以戰於嚴公解長勺魯地也曹劌

魯上也嚴公魯桓公之子嚴公同也初齊襄公立其政

無常鮑叔牙曰君使民慢亂將作矣奉公子小白奔莒

魯嚴八年齊無知殺襄公管夷吾召忽奉公子糾奔魯

九年夏嚴公伐齊納子糾小白自莒先入與嚴公戰於

乾時嚴公敗績故十年齊興師伐魯戰於長勺疏解長

地○長勺莊九年傳杜注魯地羅泌曰長勺宋之洧陵
城今在寧陵東南二十五里後魏魯案宋在魯西南齊

在魯北兩國接壤無由繞道於宋羅說非也定四年傳
成王以殷民六族錫伯禽有長勺民則長勺本商民所
居本屬公曰不愛衣食於民解有惠賜也不愛牲玉於

神解牲犧牲玉圭璧所以祭祀也詩曰靡愛斯牲圭璧

既卒對曰夫惠本而後民歸之志解惠本謂樹德施利

也歸之志志歸於上民歸而後神降之福解降下也民

神之主故民歸神乃降福若有德於民而平均其政事

君子務治而小人務力動不違時器不過用解不過用

禮財用不匱莫不共祀解無不共祀非獨己也是以用

民無不聽求福無不豐今將惠以小賜祀以獨恭解小

賜臨戰之賜獨恭一身之恭也小賜不咸獨恭不優解

咸徧也優裕也不咸民弗歸也不優神弗福也將何以

戰夫民求不匱於財而神求優裕於享者也解裕饒也

享食也民祿年豐爲優裕故不可以不本解本先利民

莫不共祀公曰余聽獄雖不能察必以情斷之解獄訟

也對曰是則可矣解可者未大備可以一戰傳曰齊師

敗績夫苟中心圖民知雖不及必將至焉解苟誠也言

誠以中心圖慮民事其知雖有所不及必將至於道也

嚴公如齊觀社解嚴公二十三年齊因祀社蒐軍實以

示客公往觀之疏嚴公至觀之○春秋莊二十三年

也內傳杜注齊因祭社蒐軍實故公往觀之或謂郊特牲言唯爲社田國人畢作是未祭社之前先用獵以習

蒐狩不聞祭時而檢閱軍實況戎車國之利器不以示人恐無示客之理穀梁傳常視曰視非常曰觀觀無事之辭也以是爲尸女也范甯注主爲女往以觀社爲辭鄭康成駁五經異義引公羊說云蓋以觀齊女也墨子曰燕之祖齊之社稷宋之桑林男女之所聚而觀也觀社之義公羊爲長王夫之詩經稗疏猗嗟昌兮作於魯莊如齊觀社之時指莊姜哀姜而言因據爾雅姊妹之夫曰甥以釋展我甥兮則以猗嗟爲哀姜姊妹所作直以觀女爲觀哀姜矣然章以觀社爲觀曹劌諫曰不可軍實杜孔並同不得謂其孤文無證也

夫禮所以正民也是故先王制諸侯使五年四王一朝也解賈侍中云王謂王事天子也歲聘以志業間朝以講禮五年之間四聘於王而一相朝者將朝天子先相朝也唐尙書云先王謂堯也五載一巡守諸侯四朝昭謂以堯典相參義亦似之然此欲以禮正君宜用周

制周禮中國凡五服遠者五歲而朝禮記曰諸侯之於

天子也此年一小聘三年一大聘五年一朝謂此也晉

文公霸時亦取於此禮疏先王至相朝○再聘以志業

文疏謂每歲令大夫一聘天子間一歲親自入朝其說

與尙書晚出之周官篇六年五服一朝合然曹劌言相

朝是彼朝此此亦朝彼若朝天子則不得名爲朝朝賈

侍中之說與此此傳未合章解引王制比年一小聘三年

一大聘五年一朝彼經鄭注明言此大聘與朝晉文霸

時所制也疏引昭三年傳子太叔曰昔文襄之霸也其

務不煩諸侯令諸侯三年而聘五歲而朝爲證王制作

於漢時正述晉文霸時之制故云晉文霸時亦取此禮

也秋官大行人凡諸侯之邦交歲相問也殷相聘也

世相朝也注小聘曰問殷中也久無事又與殷朝者及

而相聘也父死子立曰問世凡君卽位大國朝焉小國聘

焉劌言當依此制諸侯位敝尙歲修聘則於天子每

年必聘可知如昭十年傳齊侯衛侯鄭伯如晉朝嗣君

位則我往朝如昭十年傳齊侯衛侯鄭伯如晉朝嗣君

是也我更一世亦往朝大國襄三年如晉始朝也杜注
公卽位而朝是也謂諸侯唯卽位則一相見其餘則
無有相如者以止公之行也至文十五年傳曰曹伯來
朝禮也諸侯五年再相朝以修王命此卽晉文所定之
制非周公之典左氏生定哀之後故亦以此爲終則講
古制不得援此以議大行人世相朝之文也終則講
於會以正班爵之義解終畢也講習也班次也謂朝畢
則習禮於會以正爵位次序尊卑之義帥長幼之序訓
上下之則解帥循也制財用之節解謂牧伯差國大小
使受職貢也其間無由荒怠解其間朝會之間夫齊棄
太公之法而觀民於社解太公齊始祖太公望也君爲
是舉解舉動也而往觀之非故業也解業事也何以訓
民土發而社助時也解土發春分也周語曰土乃脈發

社者助時求福爲農始也

疏

土發而社○月令孟春

農書曰土長冒橐陳根可按耕者急發此土發之收

而烝納要也

解

烝拾也冬祭曰烝烝因祭社以納五穀之

要休農夫也月令曰孟冬祀於天宗大祀公社及門閭

疏

解烝拾至農夫○烝拾也者漢書刑法志蕭何摭

摭遺利摭爲卷藏之義冬祭曰烝者烝衆也冬物成可

薦者衆也月令季秋農事備收舉五穀之要鄭注定其

租稅之簿此納要之事也○解月令至門閭○月令鄭

注天宗謂日月星也疏引蔡邕曰日爲陽宗月爲陰宗

北辰爲星宗鄭注又云大割大殺羣牲制之也公社以

上公配祭故云公社先祭社稷後祭門閭故曰及此等

之祭總謂之蜡其祭則皮弁素服葛帶榛杖凡蜡皆今

齊社而往觀旅非先王之訓也**解**旅衆也天子祀上帝

解上帝天也諸侯會之受命焉解助祭受政命也疏子天

至受命○天子于日南至祀昊天上帝於圜丘則謂之
禘祀感生帝于南郊則謂之郊感生帝者殷祀黑帝汁
光紀周祀蒼帝靈威仰也章解上帝天也蓋言帝不足
以包天而言天足以包帝舉昊天上帝以統五德之帝
也禮大傳牧之野武王之大事也既事而退柴於上帝
祈於社釋奠於牧室遂率天下諸侯執豆籩駿奔走追
王太王亶父王季厯文王昌經言遂率諸侯則郊之有諸
帝之諸侯而至宗廟廟卑郊尊廟有諸侯則郊之有諸
侯益諸侯祀先王先公解先王謂若宋祖帝乙鄭祖厲
明矣王之屬也先公先君也卿大夫佐之受事焉解事職事
也疏諸侯至受事○諸侯有在賓恪之位而祀先王者
吳子壽夢卒魯臨於周廟昭十八年宋衛鄭陳火鄭徙
主祀於周廟皆有廟以祀所出之王也先公則自始封
之祖下逮禘廟祭義祭之日君牽牲穆答君卿大夫序
從既八廟門歷於碑卿大夫袒而毛牛尚耳禮器君親

牽性大夫贊幣而從又言卿大夫從君此佐之受事也臣不聞諸侯之相會祀也

祀又不法解不法謂觀民也君舉必書解動則左史書

之言則右史書之書而不法後嗣何觀公不聽遂如齊

嚴公丹桓宮之楹而刻其桷解桓宮桓公廟也楹柱也

唐云桷桷頭也昭謂桷一名榱今北土云亦然爾雅曰

桷謂之榱嚴公娶於齊曰哀姜哀姜將至當見於廟故

丹柱刻榱以夸之疏嚴公至其桷○穀梁傳禮天子黜

子之桷斷之譬之加密石焉諸侯之桷斷之簪之大夫

斷之士斷本刻桷非禮也斥言桓宮以惡莊也內傳杜

注刻鏤也桷榱也將匠師慶言於公解匠師慶掌匠大

夫御孫之名也曰臣聞聖王公之先封者解謂若湯武

周公太公遺後之人法使無陷於惡其爲後世昭前之
令聞也解爲猶使也使長監於世解監觀也觀世成敗
以爲戒也故能攝固不解以久解攝持也今先君儉而
君侈之解先君桓公令德替矣解替滅也公曰吾屬欲
美之解屬適也適欲自美之非先君意也對曰無益於
君而替前之令德臣故曰庶可以已乎解已止也公弗
聽

哀姜至公使大夫宗婦覲用幣解宗婦同宗大夫之婦

也覲見也見夫人也用幣言與大夫同贊疏

哀姜至用幣疏內傳

孔疏襄二年葬齊姜傳齊侯使諸姜宗婦來送葬諸姜是同姓之女知宗婦是同姓大夫之婦也上相見禮

稱大夫始見於君執贊夫人尊與君同臣始爲臣有見
君之禮明小君初至亦當有禮以見也且傳唯譏婦贊
不宜用幣不言觀之爲非知其禮當然也大夫當用羔
雁用幣亦爲非禮也莊公欲害夸夫人故使男女同贊
惡其男女無別且譏
僭爲失禮故書之 宗人夏父展曰非故也解宗人宗

伯也夏父氏也展名也宗伯主男女贊幣之禮故故事

也疏解宗人宗伯○春官宗伯鄭注宗伯主禮之官引

食禮宗人升自西階爲宗人及宗人贊夏獻其禮特牲饋
證是宗人即宗伯也 公曰君作故解言君所作則爲

故事對曰君作而順則故之解順順於禮則書以爲故

事逆則亦書其逆也臣從有司懼逆之書於後也故不

敢不告解從有司言備位隨從有司後行也夫婦贊不

過棗栗以告虔也解棗取蚤起栗取敬栗虔敬也曲禮

曰婦人之費脯修棗栗

疏

婦贊至告虔

○穀梁傳范解

栗曲禮孔疏棗早也栗肅也取其早自矜莊栗取其敬

並同韋義案昏禮婦見舅以棗栗見姑以暇修小君之

尊同於君故以見舅之贊見之也

男則玉帛禽鳥以章物也

解

謂公執

桓圭侯執信圭伯執躬圭子執穀璧男執蒲璧孤執皮

帛卿執羔大夫執雁士執雉庶人執鶩工商執雞也章

明也明尊卑異物也

疏

男則至章物○內傳杜注公侯

卿執帛孔疏典命云公之孤四命以皮帛眡小國之君

又云凡諸侯之適子誓於天子攝其君則下其君一等

未誓則以皮帛繼子男哀七年傳禹合諸侯於塗山執

玉帛者束帛而表以皮爲之飾帛者附庸也周禮鄭注皮

飾羔雁者以縝言天子之臣飾羔雁以布又畫之諸侯

白雉以下無飾也今婦人執幣是男女無別也男女

之別國之大節也不可無也公弗聽

魯饑臧文仲言於嚴公解魯饑在嚴公二十八年文仲

魯卿臧哀伯之孫伯氏瓶之子臧孫辰也曰夫爲四鄰

之援解援所以摯援以爲助也結諸侯之信重之以婚

姻申之以盟誓解申重也固國之艱急是爲解艱難也

是爲爲難急也鑄名器解名器鐘鼎也藏寶財解寶財

玉帛也固民之殄病是待解殄絕也病饑也今國病矣

君盍以名器請糴於齊解盍何不也市穀曰糴公曰誰

使對曰國有饑饉疏國有饑饉○爾雅釋天穀不熟爲

不收謂之饑二穀不收謂之旱三穀不收謂之凶四穀

饑亦曰卿出告羅古之制也解告請也疏卿出至之制

司徒大荒大札則令邦國移民通財小行人若國凶荒令賜委之不問有告羅之禮周書羅匡篇大荒卿參告羅蓋記衰周之制臧孫稱爲辰也備卿辰請如齊公使古制其始於西周之衰乎

往從者曰君不命吾子吾子請之其爲選事乎解選事

自選擇其職事也文仲曰賢者急病而讓夷解夷平也

居官者當事不避難在位者恤民之患是以國家無違

解無相違狠者今我不如齊非急病也在上不恤下居

官而愔非事君也文仲以鬯圭與玉磬如齊告羅解鬯

圭裸鬯之圭長尺二寸有瓚以祀廟玉磬鳴璆也疏解

圭至鳴璆○周官典瑞裸圭有瓚以肆先王以裸賓客鄭注引漢禮瓚槃大五升口徑八寸下有槃口徑一尺

則璫如勺爲槃以承之也天子之璫其柄之圭長尺有二寸其賜諸侯蓋九寸以下詩旱麓鄭箋圭璫之狀以圭爲柄黃金爲勺青金爲外朱中央矣書益稷疏引鄭注云璫懸也而以今堂上之樂玉璫和尊之也是二者皆名也曰天災流行戾於敝邑饑饉荐降民羸幾卒解戾

至也荐重也降下也羸病也幾近也卒盡也疏饑饉荐

雅釋天仍饑爲荐僖十三年傳晉荐大懼殄周公太公

饑疏引李巡爾雅注連歲不熟曰荐之命祀解賈唐二君云周公爲太宰太公爲太師皆掌

命諸侯之國所當祀也或云命祀謂命祀二公也昭謂

傳曰衛成公祀夏后相捍武子曰不可以間成王周公

之命祀如此賈唐得之矣疏宰之職以八則治都鄙一

日祭祀以馭其神定四年傳周公相王室以尹天下分魯公以祝宗卜史祀之官也官司彝器祀之器也蓋傳

王命以命之也至太師一官僅一見於尚書而不言其制祀典然僖四年傳管仲對楚使曰賜我先君履東至於海則魯境亦在賜履之內名山大川皆其所主非太公之命祀而何僖二十九年傳甯武子曰不可以間成王周公之命祀彼文冠周公以成王者成王爲周之共主稱之以距相也此獨配周公以太公者太公爲齊之始祖舉之以尊齊也職貢業之不其而獲戾解戾罪也立言之義各有當也

不腆先君之敝器解腆厚也敢告滯積以紓執事解滯

久也紓緩也執事齊有司也穀久積則當朽敗執事所

憂也請之所以緩執事以救敝邑使能其職豈唯寡君

與二三臣實受君賜其周公太公及百辟神祇實永饗

而嘉賴之解辟君也賴蒙也天曰神地曰祇百辟謂百

君卿士有益於民者疏解辟君至於民○說文神天神

引出萬物者也祇地祇提出萬

物者也月令鄭注百辟卿士若句龍后稷之類疏百辟則古之上公縣爲崇伯而禮記祭法有祀之文社稷五祀雖爲王朝卿士兼帶上公之官故左氏云封爲上公祀爲貴神是身爲百辟又爲卿士也齊人歸其玉而予之糴

齊孝公來伐

解

孝公齊桓公之子孝公昭也魯僖公叛

齊與衛莒盟於洮又盟於向故孝公伐魯討此二盟滅

文仲欲以辭告

解

欲以文辭告謝齊也病焉

解

病不能

爲辭也問於展禽

解

展禽魯大夫展無駭之後柳下惠

也字季禽對曰獲聞之處大教小處小事大所以禦亂

也不聞以辭解獲展禽之名也禦止也若爲小而崇以

怒大國

解

崇高也謂自高大不事大國使加已亂亂在

前矣解亂惡也解其何益文仲曰國急矣百物唯其可

者將無不趨也解百物之中可用行賂將無不趨言無

所愛也願以子之辭行賂焉其可乎展禽使乙喜以膏

沐犒師解乙喜魯大夫展喜也犒勞也以膏沐爲禮欲

以義服齊明不以賂免疏以膏沐犒師○禮內則鄭注

植求通親親表呂向注膏脂也沐凝者釋者曰膏文選曹

之束首如飛蓬豈無膏沐誰適爲容則膏沐以潤髮也

犒勞也者僖二十三年傳疏引服虔內傳注以師枯槁

故饋之飲食高誘淮南注酒肉曰餉牛羊曰犒故其字一

釋載漢碑有勞醕之語公羊傳注牛酒曰犒故其字一

則犒爲犒本字以膏沐爲禮曰寡君不佞解佞才也不

言以膏沐爲犒師之物也

能事疆場之司解司主也主疆場吏也不能事故構我

也使君盛怒以暴露於敝邑之野敢犒輿師解輿衆也

齊侯見使者曰魯國恐乎解使者乙喜也對曰小人恐

矣君子則不公曰室如縣磬野無青草何恃而不恐解

縣磬言魯府藏空虛但有榱梁如縣磬也野無青草早

甚也故言何恃疏室如縣磬○僖二十三年傳疏引孔

虔左傳注言室屋皆發徹榱梁在如縣磬則晁注與草

注同皆宗服氏義也杜預左傳注如而也時夏四月今

之二月野物未成故言居室而資糧縣盡則以磬爲盡

陸氏釋文因訓曰磬盡也劉炫曰如磬在縣下無粟帛

孔疏袒杜而斥爲謂野無青草可食明此在室無資糧

可噉故改如爲而言居室而資糧縣盡也明與內外傳

文相背孔氏作禮記疏則磬於甸人引左傳亦作縣磬

則孔氏亦明杜氏改如爲而訓磬爲盡之非特左傳

疏中拘於疏不破注之對曰恃二先君之所職業昔者

積習而爲杜左袒耳

成王命我先君周文公及齊先君太公曰女股肱周室
以夾輔先王解先王武王也賜女土地質之以犧牲世
世子孫無相害也解質信也謂使之盟以信其約今君
來討敝邑之罪其亦使聽從而釋之解釋置也必不泯
其社稷解泯滅也豈其貪壤地而棄先王之命其何以
鎮撫諸侯恃此以不恐齊侯乃許爲平而還解平和也
溫之會解溫之會晉文公討不服在魯僖二十八年晉
人執衛成公歸之於周解成公恃楚而不事晉又殺弟
叔武其臣元咺訴之晉故文公執之事見周語中使醫
鳩之不死解鳩鳥名也一名運日其羽有毒漬之酒而

飲之立死傳曰晉侯使醫衍鴆衛侯寧俞貨醫使薄其

鴆不死在魯僖三十年

疏

年傳鴆鳥至立死○僖三十二

曰運曰廣雅云雄曰運曰雌曰陰諸廣志云鴆鳥形似鷹大如鷄毛黑喙長七八寸黃赤如金食蛇及橡實居高山巖晉書諸公讚云鴆鳥食嘍以羽翮燂酒水中飲之則殺人舊制鴆不得渡江有重法石崇爲南中郎將得鴆以與王愷養之大如鷄喙長尺許純食蛇虺司隸傳祗於愷家得此鳥奏之宣示百官燒於都街是說鴆爲酖案閔元年傳晏安酖毒是也醫亦不誅**解**不誅醫者諱以私行毒也臧文仲言於僖公曰**解**僖公嚴公之子僖公申也曰夫衛君殆無罪矣刑五而已無有隱者隱乃諱也**解**隱謂鴆也大刑用甲兵**解**賈侍中云謂諸侯不式王命則以六師移之昭謂甲兵謂臣有大逆則

大劑用甲兵○漢書
用法志張晏注以六

其次用斧鉞解斧鉞軍戮也書曰後至者

解斧鑊東藩之臣○後齊至則右文秦晉文
列傳至者輒○因齊後至則右文秦晉文
解斧鑊東藩之臣○因齊後至則右文秦晉文

中刑用刀鋸解剖剝用刀斷截

疏漢中書刑用法志章

昭注刀割刑鋸刑也太平御覽刑法部引尚書攷靈曜剝象曜割者丈夫割其勢也酉陽雜俎引尚書攷靈曜剝象

其次用鑽竿解鑽牘刑竿黥刑也疏次其

法用
志翼
引竿
書○
亦書
作呂
刑
薈周
禮辟
云司
疑
疏伏
舉生
本木
名苗
也民
據虐
比刑
則咎
錄
改

刑則此韋云鑕非舉本名直以鑕爲鑕刑也與贗公彥

異義矣。董蠡舟曰：文王世子疏引魯語云：小刑用鑕鑿。

卽墨刑也刻其面是用鑄鑿也孔穎達以鑄與窄皆墨刑所用墨刑爲五刑之輕者故曰小刑若贖刑則重於之義似勝於韋也

薄刑用鞭朴以威民也

解鞭官刑

朴教刑也故大者陳之原野

解謂甲兵斧鉞也

疏

大者陳之

原野○漢書刑法志顏注謂征討所殺也

小者致之市朝

解

凡鋸以下也其

死刑大夫以上尸諸朝士以下尸諸市五刑三次是無

隱也

解

五刑甲兵斧鉞刀鋸鑽笮鞭朴也次處也三處

野朝市今晉人鳩衛侯不死亦不討其使者解使者魯

衍諱而惡殺之也

解

諱殺衛侯也有諸侯之請必免之

臣聞之班相恤也故能有親

解

班次也恤憂也言位次

同者當相憂恤也夫諸侯之患諸侯恤之所以訓民也

解訓教也教相救恤也君盡請衛君以示親於諸侯且

以動晉**解**動發晉侯之志夫晉新得諸侯**解**新爲伯也

使亦曰魯不棄其親其亦不可以惡**解**不可以惡亦不

可以惡魯也公說行玉二十穀乃免衛侯**解**雙玉曰穀

傳曰納玉於王及晉侯皆十穀王許之**疏****解**雙玉曰穀

訓元王百工高注二玉爲一工說自是晉聘於魯加於

文兩玉相合爲一珪珪或爲穀爵與魯同

諸侯一等**解**貴其義也爵同則厚其好貨**解**爵與魯同

者特厚其好貨衛侯聞其臧文仲之爲也使納賂焉辭

曰外臣之言不越境不敢及君**解**言臣不外交也

晉文公解曹地以分諸侯**解**解削也晉文公誅無禮曹

人不服伐而執其君削其地以分諸侯事在魯僖公三

十一年取濟西之田

疏

晉文至諸侯。○孔穎達曰：曹都

麟曰：曹在汶南，濟東據魯而言是濟西，魯在其東南，水

經濟水至萊氏縣西，分爲二注，引內傳分曹地東傳於

濟，濟水自是北東

僖公使臧文仲往宿於重館

解

重魯

流出鉅澤是也

地館候館也，周禮五十里有市，市有候館

疏

○解重魯地

國志：山陽郡方輿縣注引內重館人告曰：晉始伯而欲

傳杜預注：縣西北有重陽城

重館人告曰：晉始伯而欲

疏

○解人守館之隸

古

固諸侯**解**人守館之隸也，固猶安也

疏

○惠士奇曰：古

隸

之賓客，不舍於庶民之家，人爲官名，貴非大夫賤不至

隸，且館者，候館也，周制置有寓望，謂寄寓之樓，可以觀

望，亦曰候館，館有積遺人掌之，其官中士，下士而賓客

羈旅，則委人以旬，稍之畜聚供之，凡軍旅之賓客館焉

臧文仲卿也，卿行旅從，非所謂軍旅之賓客與委人故

之官與遺人等，然則重館人者，委人也，理或然也

解有罪之地以分諸侯解有罪謂不禮文公觀骈脅也
諸侯莫不望分而欲親晉皆將爭先晉不以故班解班
次也亦必親先者吾子不可以不速行魯之班長而又
先解長猶尊也先至也諸侯其誰望之解誰敢望與
魯爲比也若少安恐無及也從之獲地於諸侯爲多反
既復命爲之請曰地之多也重館人之力也臣聞之善
有章雖賤賞也解章簪也惡有釁雖貴罰也解釁兆也
今一言而辟境其章大矣解辟開也請賞之乃出而爵
之解出出之於赫爵爵爲大夫

海鳥曰爰居止於魯東門之外二日解爰居雜縣也東

門城東門也

疏

海鳥至二日○爾雅釋鳥爰居維縣釋

風急就篇謂之乘風

又引司馬彪曰爰居舉頭高八尺

郭璞注漢元帝時琅邪有大鳥如馬駒時人謂之爰居

水經泗水注沂水出魯城東南尼邱山西北平地發臧

泉流逕魯縣故城南水北東門外卽爰居所止處也臧

解

文仲不知以爲神也

疏

臧文至祭

至樂篇海鳥止於魯郊魯侯御而觴之於廟奏九韶以爲樂具太牢以爲膳鳥乃眩視憂悲三日而死是因魯祭爰居而相傳爲此說也文選鵩賦李周翰注爰展居避風於魯東門臧文仲祭以鐘鼓其語差爲近實展

禽曰越哉臧孫之爲政也

解

越迂也言其迂濶不知政

要夫祀國之大節也

解

節制也而節政之所成也

節所以成政故慎制祀以爲國典

解

典法也今無故而

加典非政之宜也

解

加益也謂以祭鳥益國法也夫聖

王之制祀也法施於民則祀之解謂五帝殷契周文也

以死勤事則祀之解殷冥水死周棄山死是也以勞定

國則祀之解虞幕夏杼殷上甲微周高圉太王也能禦

大災則祀之解夏禹是也能扞大患則祀之解殷湯周

武是也非是族也不在祀典解族類也昔烈山氏之有

天下也解烈山氏炎帝之號也起於烈山祭法以烈山

爲厲山疏解烈山至厲山○史記五帝本紀正義引帝

聖德以火德王故號炎帝初都陳又徙魯又曰隄隄氏

又曰連山氏又曰列山氏括地志云厲山在隨州隨縣

北百里山東有石穴相傳是神農所生處所謂烈山氏

也春秋時爲厲國路史禪通紀炎帝神農氏姓伊耆名

軌一名石年母安登生神農於列山之石室肇迹列山

故又以列山厲山爲氏注卽烈山厲山也水經滂水注

滂水逕厲鄉南水角有重山卽烈山也案厲山在今湖
北德安府隨州北四十里厲烈與列本通字詩小雅垂
帶如厲厲裂也禮內則鄭注羣裂疏謂卽桓二年左傳
擊厲開山圖云烈山氏產山谷分布元氣蓋卽厲山氏
禮有七祀太厲儀禮疏謂帝王之無後者至漢七祀無厲
而農世諸侯孔疏引爲世紀謂神農爲農夫旣終於天
氏於神農之世爲諸侯後爲神農爲農夫旣終於天子之
卽不得謂爲諸侯也其子曰柱能殖百穀百蔬解柱爲
預注及孔疏皆非也

后稷自夏以上祀之草實曰蔬

疏

其子至百蔬○禮祭

孫名柱案疏引春秋緯命歷敘炎帝號曰大庭氏傳八
世合五百二十歲柱之世次當在八世之內此傳云柱

祭法云農者劉炫曰蓋柱地名其官曰農猶呼周棄爲
稷路史炎帝紀柱神農之子也七歲有聖德佐神農氏

同歷名山開田墾土時雨至則挾搶又以從事於疇殖
百蔬區百穀別其疏邀深耕聖作以興歲亦曰烈山氏

楊泉物理論稻粱粟各二十種爲六十蔬果之實助穀
各二十凡爲百穀周官太宰之職八曰臣妾聚斂蔬材

鄭注疏材百草根實可食者可食之菜或蔬
於圖或采於野厥類孔多通謂之百蔬也 夏之興也

周棄繼之故祀以爲稷解夏之興謂禹也棄能繼稷之

功自商以來祀之疏解夏之至祀之○昭二十九年傳

鄭注首種爲稷也周語虢文公曰民之大事在農是故

稷爲大官然則百穀稷爲其長遂以稷名爲農官之長

案史墨言封爲上公祀爲貴神故生爲稷官死爲稷神

漢書郊祀志言能殖百穀死爲穀祠是也應劭曰湯遭

大旱七年明德以薦而旱不止故遷社以棄代爲稷欲

遷向龍而德莫能繼故止孔穎達曰湯於帝世年代

近功之多少傳習可知棄功乃共工氏之伯九有也解

過於柱廢柱以棄爲稷神也 共工氏之伯九有也解

其工氏伯者在戲農之間有域也疏解共工至有域○
問者祭法鄭注共工氏無錄而王謂之伯疏引昭十七
年傳鄭子稱炎帝氏以火紀共工氏以水紀太皞氏以
龍紀從下逆陳是在炎帝之前太皞之後也鄭康成曰天
右篇共工觸不周山折天柱絕地維是也鄭康成曰天

子哀諸侯興故曰霸霸把也言把持王者之政教也有
域也者商頌奄有九有文選注引韓詩作奄有九域薛
君章句九域九州也又正域彼四方毛傳域有也互相
轉訓惡棟謂域从或說文或邦也从口从戈以守一
地也春秋命歷序人皇氏依山川土地之勢財度爲九
州謂之九圉說者謂圉卽有宏嗣不引春秋緯文爲解
者因取草木之義其子曰后土能平九土解其子共
不足以包萬物也

工之裔子句龍也佐黃帝爲土官九土九州之土也后

君也使君土官故曰后土

疏

九年傳其子至后土○疏共工有子謂

後世子耳亦不知句龍之爲后土在於何代少昊氏旣

以鳥名官則當在顓頊以來耳后土君也爲君而掌土能

治九州五土之神故祀以爲配社之神淮南時則訓

中央土其帝黃帝其佐后土執繩而測四方是也故

祀以爲社解社后土之神也

疏解社后土之神○詩楚

五土之神能生萬物者以右之有大功者配之昭二十

九年傳后土爲社鄭注

答趙商后土謂社謂輔作社神

趙商問郊特牲社祭土而主陰氣大宗伯王大封則先

告后土注云后土祭土也若此之義后土則社則先

生二者未知何云敢問后土祭誰祭誰乎答曰句龍

本后土後遷之爲社大封先告后土注云后土神

不云后土後趙社也田續問周禮大封先告后土注云后土

社也前答趙社也田續問周禮大封先告后土注云后土

大縣邑或曰君舉而哭於后土注云后土神也

春命民社注云社祭地神不言后土省文此三者皆當定之否

注云社祭地神不言后土注云后土神也

曰后土祭地神不言后土注云后土神也

土後轉爲社注云后土神也

之夫名也注云后土神也

也句龍職主土注云后土神也

后土之官後轉以配社又謂社爲后土注云后土神也

命百物以明民共財注云后土神也

名也疏黃帝至其時則訓黃帝少典之子以

平御覽又引淮南注曰黃中色地道載物故稱名也祭

法疏上雖有百物而未有名黃帝爲物作名正名其體

也齡案祭法言黃帝正名論語馬融注正百事之名也
漢藝文志名家者流蓋出於禮官凡辨名所在不可苟
爲鈔析皇侃論語疏引鄭注正名謂正書字也古者曰
名今世曰字禮百名以上書於策錢大昕謂倉頡制文
字正當黃帝之時名卽文也物卽事也孔穎達曰明民
者垂衣裳使貴賤分明得其所以爲之先覺也孔穎
達曰共財者謂山澤不歸教民取以自贖也孔穎達曰
修之解顓頊黃帝之孫昌意之子帝高陽也能修修黃

帝之功

疏

顓頊能修之○山海經黃帝生昌意昌意生

記昌意娶於蜀山氏蜀山氏之子謂之昌濮氏產顓頊
韋解所據大戴禮之義也路史言顓頊渠頭併幹通眉
帶午淵而有謀疎以知遠龍文負圖於是書科斗百辟
作戒盈之器室上緣黃帝因事而慮功文德錫之鐘磬
武德錫之干戈而人知鄉方矣礪名岡保大澤制十等
之幣以通有無曰權衡宿疇以成泉幣亡帶工賈此顓
頊修成命帝嚳能序三辰以固民**解**固安也帝嚳黃帝
共財之事

之曾孫元器之孫嶠極之子帝高辛也三辰日月星也

謂能次第三辰以治歷明時教民稼穡以安之疏帝

民○路史後紀極取陳豐氏曰哀履大跡而傷生

而迎送之以順天之則謂寅賓出日寅餞納日教民稼

穡以固民也揖其民力更相爲師因其土宜以爲民

於是盡地之制受少昊高陽之經理卒創九州以統

下國此序三辰以固民之事也漢書律歷志日合於天

統日月合於地統斗合於人統堯能單均刑法以儀民

此日月星爲三辰之事也堯能單均刑法以儀民解

堯帝舜之庶子陶唐氏放助也單盡也均平也儀善也

疏堯能至儀民○路史後紀帝堯高辛氏第二子母陳

豐氏曰慶都高辛次妃也嘗觀三河之首赤帝顯圖

奄然風雨慶都遇而萌之震十有四以帝德倡後人取放

口放勳注勳達於四方日放或曰以帝德倡後人取放

在堯也單盡也荀子宥坐篇若不可廢不能以單之

楊倞注亦訓單爲盡均平也者說文云平偏也地官之

屬有均人鄭注均猶平也爾雅釋詁刑法也周頌烈文
百辟其刑之則通型說文文型鑄器之法也儀善也者亦
釋詁文郭注引詩儀刑文王儀通義文王篇宣昭義問
毛傳義善也路史又云堯年十有七謨以俟伯恢踐帝
率天下以仁而人從之故一出言而天下誦萬物齊使
之而成戶之而止唯恐言而莫予違也是能儀民之事
也

舜勤民事而野死

解

舜顓頊之後六世有虞帝重華

也野死謂征有苗死於蒼梧之野

疏

解舜顓頊至之野○

華父曰瞽瞍瞽瞍父曰橋牛橋牛父曰句望句望父曰
敬康敬康父曰窮蟬窮蟬父曰窮蟬父曰窮蟬父曰窮蟬
六世孫此本史記義也羅泌駁之曰舜有天下受之堯
祖堯之祖不得自致其祖受終文祖及禘於文祖卽顓
頊也皆祖堯之祖故有虞氏禘黃帝而祖顓頊此推其
位之所自傳者而祖之也祭法鄭注有虞氏以上尚德
郊禘宗祖配用有德而已是鄭意亦以虞氏所祖非其
親也史云自窮蟬以來微在庶人夫窮蟬既爲帝何得
未幾微爲庶人男女辨姓禮之庶人夫窮蟬既爲帝何得
從孫豈得娶堯之女且以舜爲堯之從孫則禹爲舜之

從祖堯授天下於從孫舜授天下於昭八年傳史趙明言陳
授烏得謂能以天下予人齡謂昭八年傳史趙明言陳
爲顓頊之族昭九年傳裨竈又言陳水屬也此傳下文
明言幕顓頊之族昭九年傳裨竈又言陳水屬也此傳下文
幕幕祖顓頊之族昭九年傳裨竈又言陳水屬也此傳下文
言舜葬蒼梧之野史記之言不可謂謬矣檀弓山海經並
九嶷山呂氏春秋言舜葬於紀九嶷山下有紀邑孟子
言舜卒於鳴條汲郡古文帝舜四十九年居於鳴條五
十年陟沈約注鳴條有蒼梧之山帝崩遂葬焉王應麟
曰今蒼梧山在海州近蒼梧之山帝崩遂葬焉王應麟
孟子合至征苗則淮南子亦云舜征三苗死然司馬光
詩虞舜既倦勤薦禹作天子安得復南巡迢迢渡湘水
則征苗未足深信蓋鳴條與鄣洪水而殛死解殛誅也
非常都之地故云野死與鄣洪水而殛死解殛誅也
鄣嶺項之後禹之父也堯使治水鄣防百川績用不成
堯用殛之於羽山禹爲天子而郊之取其勤事而死疏
解殛誅至而死○史記夏本紀索隱引世本云鯀爲顓
頊子宏嗣不從世本者以漢書律歷志云顓頊五代而

生鯀蓋鯀既與堯同時論世次不得爲高陽子故但云
後也路史後紀高陽生駱明駱明生白馬是爲伯鯀字
熙汶山廣柔人姁直敗數帝使治水稱遂共工之過廢
帝之庸九載無功齡謂禹貢既修太原先儒謂因鯀之
功而修之作十有三載乃同先儒謂并鯀九年而數之
故孔穎達曰亦是微功於人故得祀之若無功焉能
治水九載又世本云作城郭是有功也鄭志答趙商云
鯀非誅死故堯居東裔至死不得返於朝禹乃其子也
以有聖功故堯與之若以爲殺人不父用其子而舜禹何
以忍乎而尙書云鯀則殛死禹乃嗣興者箕子見武王
誅紂今與已言懼其意有慙死禹乃嗣興者箕子見武王
賢則舉之以滿武王意也齡謂居東裔而不返卽是殛
若謂懼其意有慙德而言殛以滿武王之意則是阿諛
新君烏得爲殷之仁人乎況殛鯀於羽山虞史先已言
之非創自箕子也晉語昔鯀違帝命殛之於羽山化爲
黃熊以入於羽淵實爲夏郊三代舉之此以死勤事之
事禹能以德修鯀之功解鯀功雖不成禹亦有所因故
也禹能以德修鯀之功解鯀功雖不成禹亦有所因故

日修鯀之功

疏

禹能至之功○漢書古今人表鯀妃女
志有嬖氏女生禹淮南原道訓高注禹

名文命受禪成功曰禹呂氏春秋行論篇堯以天下與
舜鯀爲諸侯怒於堯曰禹得天之道者爲帝得地之
爲三公今我得天之道而不以我爲三公以堯爲失
欲得三公怒甚猛獸欲以爲亂舜於是殛之於羽山
之以吳刀禹不敢怨而反事之官爲司空以通水
色黎黑步不相過竅氣不通以中帝心蓋鯀未嘗
因自恃其功而爭故致敗也呂氏春秋愛類篇上
門未開呂梁未發河出孟門大禹逆流無有邱陵
平高原阜盡滅之名曰鴻水禹於是疏河決江爲
蠡之郭乾東土所活者千八百國此以德修厥功
也契爲司徒而民輯解契殷之祖爲堯司徒能敬敷五
教輯和也疏契爲司徒而民輯○史記殷本紀契母
譙周云契生堯代舜始舉之必非譽子以其父微故不
著名其母有娥氏女與宗婦三入浴於川元鳥遺卵簡
狄吞之則簡狄非帝譽次妃明也齡謂鳥卵之說託始
於商頌元鳥之詩然詩是也唯祈福之期所謂元鳥至
之日以太牢祠於高禪是也唯其爲帝妃故得於元鳥
降之日行弓緇之禮淮南隆形訓高注亦言雋建統

姊妹二人在瑶臺帝營之妃也與遷語同則譙說非也

荀子成相篇契爲司徒民知孝弟尊有德漢書百官公

卿表高作司徒敷五教應劭注五教父義母慈

兄友弟恭子孝也輯和也者說文輯車和輯也冥勤其

官而水死解冥契後六世孫根圍之子也爲夏水官勤

於其職而死於水疏解冥契至於水○史記殷本紀契

上卒子昌若立昌若卒子曹圍立曹圍卒子冥立集解

引宋衷曰冥爲司空勤其官事死於水中司馬貞曰曹

圍系本作糧圍漢書人表冥根圍湯以寬治民而除其

子則曹圍根圍糧圍同一人也

邪解湯冥後九世主癸之子爲夏諸侯以寬得民除其

邪謂放桀扞大患也疏解湯冥至大患○史記殷本紀

子報丁立報丁卒子報乙立報乙卒子報丙立報丙卒

子主王立主王卒子主癸立主癸卒子天乙立是爲成

湯韋解言九世并冥數之也呂氏春秋異用篇湯見祝

網者置四面其祝曰從天墜者從地出者從四方來者

皆離吾網湯曰嘻盡之矣非桀其孰爲此也湯收其三
而置其一面更教祝曰昔蛛螫作網吾今之人學紆欲
左者左欲右者右欲高者高欲下者下吾取其犯命者
漢南之國聞之曰湯之德及禽獸矣四十國歸之尙書
大傳湯放桀居中野士民皆奔湯桀與五百人南徙十
里止於不齊不齊士民往奔湯桀與屬五百人從於魯
魯士民復奔湯桀曰國君之有也吾聞海外有稷勤百
人與五百人俱去此以寬治民而除邪之事也稷勤百

穀而山死

解稷周棄也勤播百穀死於黑水之山毛詩

傳云

疏

解稷周至傳云○詩生民毛傳姜姓也后稷之

母有邰氏女曰姜原焉史記周本紀姜原出野見巨
人跡心欣然說踐之而身動如孕者居期而生子以爲
不祥初欲棄之因名曰弃棄爲兒時好種樹麻菽及爲
成人遂好耕農相地之宜宜穀者稼穡焉民皆法則之
帝堯聞之舉棄爲農師舜封弃於邰曰后稷又春秋緯
少昊傳八世顓頊傳九世帝嚳傳十世則堯非嚳子稷
又年少於堯則姜嫄不得爲嚳妃鄭志當堯之時爲高
辛氏世如謂爲其後世子孫之妃也與毛傳史記異也

集解引山海經大荒經黑水青水之間有廣都之野后稷葬焉皇甫謐曰冢去中國三萬里夏本紀華陽黑水惟梁州正義引括地志黑水源出梁州城固縣西北大山黑水西河惟雍州索隱引鄭元引他說云三危山黑水出其南又引地記曰三危山在鳥鼠之西南齡謂大荒經所紀稷葬界太遠遠殊不足據后稷封郃郃在雍州境則黑水之山

文王以文昭

解文王演易又有文德

當以三危爲是

周語曰文王質文武王去民之穢

解穢謂紂也疏

謂紂

也○穢者說文蕪也徐鍇曰田中雜草也漢書楊惲傳蕪穢不治湯之數桀曰若苗之有莠若粟之有秕故以穢喻紂朱虛侯曰非其種者鋤而去之漢書故有虞氏

敘傳方今大漢西歸羣穢此去穢之義也

故有虞氏

帝黃帝而祖顓頊郊禘而宗舜

解賈侍中云有虞氏舜

後在夏殷爲二王後故有郊禘宗祖之禮也昭謂此上

四者謂祭天以配食也祭昊天於圜丘曰禘祭五帝於

明堂曰祖宗祭上帝於南郊曰郊有虞氏出自黃帝顓
 頊之後故禘黃帝而祖顓頊舜受禪於堯故郊堯禮祭
 法有虞氏郊畧而宗堯與此異者舜在時則宗堯舜崩
 而子孫宗舜故郊堯耳疏有虞至宗舜○禮祭法疏論
 於太廟謂宗廟之祭也喪服小記王者禘其祖之所自出
 大傳禮不王不禘謂祭感生之帝於南郊也必知禘
 是園正者以禘文在郊祭之前郊前之祭唯罔正但
 爾雅云禘大祭以比餘處爲大祭總得禘此郊成
 義也錢大昕引惠棟說曰古之聖人生有配天之
 有配天之祭故太皞以下列代之聖人皆有配天之
 以火德黃帝以土德少皞以金德顓頊以水德王
 大享之禮於明堂謂之禘祖宗其郊則行之南郊
 宗祖四大祭而總謂之禘者禘其祖之所自出故也
 注大傳不王不禘及詩長發箋皆云郊配天是郊禘
 也周頌雝序云禘太祖也是祖禘也劉歆云大神則
 終王則宗稱禘也董子曰天地者先祖之所出也禘者

禘其祖所自出故四大祭皆蒙禘名大戴禮記少典產
軒轅是爲黃帝產元囂元囂產高辛是爲
帝嚳帝嚳產放勳是爲帝堯堯產禹禹產商商產
是爲帝顓頊顓頊產少昊少昊產周周產成王成王
芒產螭牛螭牛產牛牛產牛牛產牛牛產牛牛
產螭牛螭牛產牛牛產牛牛產牛牛產牛牛
配圓上其次則顓頊是爲帝禹禹產商商產禹
南郊舜有勤民之功故自商均以下奉以爲宗也夏后
氏禘黃帝而祖顓頊郊鯀而宗禹解虞夏俱黃帝顓頊

之後也故禘祖之禮同虞以上上德夏以下親親故夏

郊鯀也

疏

郊鯀至宗禹○夏以治水之功有天下而治

鯀於羽山其神化爲黃熊以商人禘舜而祖契郊冥而

入於羽淵寶爲夏郊是也

宗湯

解

舜當爲嚳字之誤也禮祭法曰商人禘嚳嚳契

父商之先故禘之鄭後司農云商人宜郊契也

疏

商人

至宗

湯○郊祭雖尊但祭一帝是小德配寡明堂雖卑於郊
總祭五帝是大德配衆冥雖勤官而水死不及契敷教
之功爲大故周人禘嘗而郊稷解嘗稷之父稷周之始

配南郊也

祖也祖文王而宗武王

解

此與孝經異者商家祖契周

公初時亦祖后稷而宗文王至武王雖承文王之業有

伐紂之功其廟不可以毀故先推后稷以配天而後更

祖文王而宗武王

疏

解此與至武王○孝經宗祀文王

異爾則此祭法鄭注祭五帝五神于此傳言祖故章解以爲

公之手曰思文后稷克配彼天則稷之配郊自制禮之

始而巳然矣未嘗始以爲祖後以爲郊也宏綱言初以

後稷爲祖舊無此解不敢輒定祭法疏引月令季秋大

饗帝故知明堂之祭有五天帝及五人帝也此文武之

配皆於明堂上或解云武王配五神於下屈天子之尊

而就五神在庭非其理也此祖宗祭五帝郊特牲祭一

帝而在祖宗上者以其感生之帝特尊之祭法鄭注有虞氏以上尚德郊禘宗祖配用有德者而已自夏以下稍用其姓氏之先後之次有虞氏夏后氏宜郊顓頊殷人以郊契郊祭一帝而明堂祭五帝小德配寡大德配衆亦禮之殺也孔穎達曰祖始也言爲道德之初始故云祖也宗尊也以有德可尊故云宗夏后氏者后君也受位於君故稱后殷周稱人以幕能帥顓頊者也有人所歸往故稱人此並熊氏說也

虞氏報焉

解幕舜之後虞思也爲夏諸侯帥循也顓頊

有虞氏之祖也報報德之祭也

疏解幕舜至之祭○史

注幕舜後虞思也於瞽瞍無間違天命以自廢絕宏嗣

此解實本賈義然鄭司農曰幕舜之先也杜預亦云幕

舜之先從幕至瞽瞍問無違天命廢絕者路史後紀愛

瞽子自敬康而下其祖也敬康生於窮係出虞幕是

蟠牛生瞽瞍案窮係卽窮蟬注又云風俗通義亦謂舜

祖幕與呂梁碑合帝系云顓頊生窮蟬窮蟬生敬康敬

康生句芒句芒生蟠牛蟠牛生瞽瞍瞽瞍生窮蟬窮蟬

云顓頊傳二十世三百五十歲則所謂顓頊生窮蟬者

謂窮蟬是項裔孫非父子也路史言窮係出虞幕則幕
在項後舜前昭八年傳史趙先言幕次言瞽次言舜及
遂則幕爲舜祖無疑故內傳孔疏引孔晁國語注幕能
修道功不及祖德不及宗故每於歲之大烝而祭焉謂
之報言虞舜祭幕
明幕是舜先矣
杵能帥禹者也夏后氏報焉解杵禹

後七世少康之子季杼也能興夏道者疏解杵禹至夏

本紀禹崩子帝啟立崩子帝太康立崩弟中康立崩子
帝相立崩子帝少康立崩子帝子立索隱曰子音仁則
禹至子雖七君而杼實禹之五世孫也哀
元年傳季杼滅豷于戈是能興夏道者
上甲微能帥

契者也商人報焉解上甲微契後八世湯之先也疏解

甲至之先○史記殷本紀契卒子昭明立卒子相土立
卒子昌若立卒子曹圉立卒子冥立卒子振立卒子微
立索隱引皇甫謐曰微字上甲其母以甲日生故也商
家生子以日爲名蓋自微始譙周以爲死稱廟主曰甲
也
高圉太王能帥稷者也周人報焉解高圉后稷後十

世公非之子也太王高圉之曾孫古公亶父也

疏解至高

亶父○史記周本紀后稷卒子不窋立卒子鞠立卒子

公劉立卒子慶節立卒子高圉立卒子差弗立卒子毀

隄立卒子公非立卒子高圉立卒子差弗立卒子鞠立卒子

謂汲郡古文祖乙十五年命邢侯高圉稷與禹契同時

禹有天下四百五十年而後湯有天下自湯元祀至祖

乙十五祀又二百五十六年通計七百六十年而周家父

子相傳止十世則每代必七十歲而生子且每代必甫

生而卽爲君此理所必無者周處西垂竄于戎狄譜

牒久遺其先人之賢而有問者此十人耳十人之外正

多疎闕史記以爲相繼之次殊未足據惠棟左傳補注

引昭七年傳服虔注周人不毀其廟報祭之馬融曰周

人所報而不立廟齡謂高圉至周有天下時世數甚遙

久在壇壝之凡禘郊宗祖報此五者國之典祀也

解典

法也加之以社稷山川之神皆有功烈於民者也及前

哲令德之人所以爲明質也

解

質信也以其有德於民

而祭之所以信之於民心及天之三辰民所以瞻仰也
及地之五行所以生殖也解殖長也五行五祀金木水
火土及九州名山川澤所以出則用也解謂九州之中
名山川澤也非是不在祀典今海鳥至已不知而祀之
以爲國典難以爲仁且知矣夫仁者講功解講論也仁
者心平故可論功也而知者處物解處名也無功而祀
之非仁也解言鳥無功不知而不問非知也今茲海其
有災乎夫廣川之鳥獸恆知而避其災也是歲也海多
大風冬煥解爰居之所避也疏海多大風冬煥○淮南
多暴風方冬不寒高注冬當閉藏反行夏盛陽之令故
多暴疾陽氣溫故盛冬不寒桓十四年無冰穀梁傳注

政治紆緩所致五行傳曰視之不明是謂不哲厥咎舒厥罰常煥滅孫執國政不能修德弭災而索國典故此傳備言其咎徵也

文仲聞柳下季之言

解

柳下展禽之邑季字

也

疏

解柳下展禽之邑○閭若璩曰柳下今不可知

步而樵采者死不放證之古人多葬於食邑壟所在即邑所則柳下當在齊之南魯之北二國接壤處昔爲魯地封邑後爲齊所有也

曰信吾過也季子之言不可不法也使書

以爲三筴

解

筴簡書也三筴三卿卿一通謂司馬司徒

司空也

疏

解筴簡至司空○筴簡書也者莊子駢拇篇挾筴讀書是也據昭四年傳杜洩之言司徒

書名司馬與工正書服司空書勲故三卿卿一通也

文公欲弛孟文子之宅

解

文公魯僖公之子文公興也

弛毀也孟文子魯大夫公孫敖之子文伯穀也宅有司

所居公欲毀之以益宮使謂之曰吾欲利子於外之寬者解於外寬地以利子也對曰夫位政之建也解建立也此位謂爵也言爵所以立政事署位之表也解署者位之表識也車服表之章也解車服貴賤有等所以自章別也宅章之次也解有章服者之次舍也祿次之食也解居次舍者之所食也君議五者以建政爲不易之故也解五謂位署服宅祿也有其位則治其官服其章居其次食其祿也君議五者以立政事爲不可改易今有司來命易臣之署與其車服而曰將易而次爲寬利也解下而而汝也爲欲寬利汝也夫署所以朝夕虔君

命也解言朝夕者不宜違也臣立先臣之署服其車服
爲利故而易其次解先臣父祖之官是辱君命也不敢
聞命解言臣不守先臣之職而欲寬利則是辱命之臣
也若罪也則請納祿與車服而違署解納歸也祿田邑
也違去也若臣有罪則請歸祿與車服而去其官也唯
里人之所命次解里人里宰也有罪去位則當受舍於
里宰公弗取臧文仲問之曰孟孫善守矣解善守善守
職也其可以蓋穆伯而守其後於魯乎解穆伯文子之
父公孫敖也淫乎莒出奔而死於齊今文子守官不失
禮故可以掩蓋其父之惡守其後嗣也公欲弛邱敬子

之宅亦如之

解

公文公也。郈敬子魯大夫。郈惠伯之後。

元孫敬伯同也。亦如之。亦謂之欲利子於外之寬地。**疏**

解郈敬至伯同。○漢書地理志無鹽縣有郈鄉。昭二十

五年傳杜注郈在東平無鹽縣東南。水經注汶水自桃

鄉四分其左。二水雙流西南至無鹽縣之郈鄉。定十二

年叔孫氏墮郈。今其城無南面。羅泌謂郈卽厚引襄二

十三年厚成叔爲證。史記音義引世本曰魯孝公生惠

伯革。其後爲厚氏。高誘呂氏春秋注郈氏惠伯華之後

惠棟左傳補注曰世本作惠伯革。康成禮記注革作鞏

高誘作華。未知孰是。吳時世本未亡。故韋據其文也。

對曰先臣惠伯以命於司里。**解**言先臣惠伯受命於司

里居此宅也。嘗禘烝享之所致。君胙者有數矣。**解**秋祭

曰嘗。夏祭曰禘。冬祭曰烝。春祭曰享。享獻物也。賈唐二

君云臣致祭肉於君。謂之致胙。昭謂此私祭而致肉。非

所以爲辭也致君胙者謂君祭祀賜胙臣下掌致之也

有數有世數也

疏

王制春秋祭至世數○秋嘗夏禘冬烝見

官以服膺之禮親兄弟之國賈疏謂對文服爲社稷肉

祭爲宗廟內其實宗廟社稷器皆飾用蜃蛤故掌蜃云

其祭在廟綢繆伯以爲服亦宗廟昭之祭肉也僖九年王

使宰孔賜齊侯胙僖二十四年傳皇武子曰宋先代之

後也天子有事膺焉此天子待諸侯之禮則諸侯於卿

大夫亦然禮少儀太牢則以牛左肩五箇魯於周公廟

則以羊左肩七箇牲則以豕左肩五箇魯於周公廟

用白牡羣公廟用騂牛出入受事之幣以致君命者亦

有數矣解出入謂受使出境入國奉聘幣以致君命者亦

亦如此宅世數矣

疏

解出入至世數○儀禮聘禮宰書

面衆介立於其左東面史讀書展幣官載其幣舍於朝

上介視載者又云入境斂旆乃展及郊又展如初及館

卷四

七

展幣於賈人之館如初又云賓陽奉束帛加璧享公再拜受幣此出境而奉幣以致命也聘禮又云使者歸及郊請反命朝服載旌乃入陳幣於朝西上賓之公幣私幣皆陳上介公幣陳他介皆否公南鄉使者執圭垂纁北面介執璋屈纁立於其左反命執幣以告曰某君使某子賄執禮以盡言賜禮此入國而奉幣以致命今命臣更次於外解次舍也外外里也爲有司之以班命事也無乃違乎解違遠也言有司以位次命職事於臣臣在外次無乃違遠而不便乎請從司徒以班徙次公亦弗取解司徒掌里宰之政比夫家衆寡之官也敬子自以有罪君欲黜之故請從司徒徙里舍也

夏父弗忌爲宗

解

弗忌魯大夫夏父展之後也宗宗伯

掌國祭祀之禮

疏

解弗忌至之禮○周官太宰疏引崔靈恩曰五大夫者司徒之下立二人

小宰小司徒司馬之下立一人爲小司馬兼宗伯之職
司空之下立二人小司寇小司空則魯之宗伯爲亞卿
司馬屬官故

魯大夫

烝將躋僖公解躋升也賈侍中云烝進也

謂夏父弗忌進言於公將升僖公於閔公上也唐尙書

云烝祭也昭謂此魯文公三年喪畢禘祭先君於太廟

升羣廟之主序昭穆之時也經曰八月丁卯大事於太

廟躋僖公是也僖閔之兄繼閔而立凡祭秋日嘗冬日

烝此八月而言烝用烝禮也凡四時之祭烝爲備傳曰

大事者禘祭也毀廟之主陳於太祖未毀廟之主皆升

合食於太祖躋僖公逆祀也逆祀者先禰而後祖也疏

解躋升至後祖○烝進也者賈據爾雅釋詁文然此傳
下文言商周之烝未嘗躋湯與文武則烝爲祭名明矣

賈侍中說未合故韋氏不從毛詩國宮秋而載嘗傳曰
諸侯夏禘則不禘於時祭之中非以禘禘廢時祭是雖
行禘禮仍不廢禘而後祖也故知秋嘗而用禘禮即謂之
烝也逆祀者先禘而後祖也以臣繼君猶子繼父故烝公
於文公猶祖也推公羊及何休之義謂烝非昭穆同
位於故父以父子爲喻然內傳孔疏曰烝謂烝父昭穆同
爲穆耳今父升爲喻然內傳孔疏曰烝謂烝父昭穆同
使兄弟相代即異昭穆此二公位次之逆非昭穆亂也若
廟即已從毀禮必不昭穆設令兄弟四人之皆立則父祖之
始祖不啻父昭穆兄弟昭穆爲同弟必不以爲父兄後子爲
穆父子異昭穆兄弟昭穆爲同弟必不以爲父兄後子爲
可爲父子孫公羊之昭穆以閔爲父兄後子爲
弟後以子爲父孫公羊之昭穆以閔爲父兄後子爲
廟自契至湯二昭穆般序也甚矣康成謂乙兄六
上及祖乎兄弟昭穆各爲一代將武丁之祭不能
世又謂兄弟相代則共是一代昭穆爲後同不得兼毀二
廟之常例也般庚不繼陽甲而上繼先君以弟不繼二

兄故也溫嶠謂兄弟不得各爲昭穆晉武帝時景文同廟
謂兄弟不相爲後主至元帝明帝廟皆十室宋禮官謂
廟雖六代其實七主至元帝明帝廟皆十室宋禮官謂
唐中曆皆處昭位敬文武同爲一世伏請每大祭太祖
太宗昭穆同位祝文並稱孝子據列代禮官所議合之
孔穎達之言可知昭穆實宗有司曰非昭穆也解宗
於閣上故爲逆祀其昭穆得也宗有司曰非昭穆也解宗
未祭亂公羊之義未爲得也宗有司曰非昭穆也解宗

有司宗官司事臣也非昭穆謂非昭穆之次也父爲昭

子爲穆僖爲閔臣臣子一例而升閔上故曰非昭穆也

疏之宗有司○諸侯小宗伯隸於司馬此宗有司又宗伯

條宰命爲酒雍人瓶鼎七逸其見於司馬此宗有司又宗伯

教於廟羊有司必繫於此者無文可考不能詳也○非

昭穆也○言列代之昭穆凡兄弟並居一位者以主入

之先後爲尊卑今而易之非自古相傳昭穆之禮也

曰我爲宗伯明者爲昭其次爲穆何常之有解明言備

有明德當爲昭閔次之當爲穆也

疏我爲至之有○昭穆之次是世數相

值並非宗伯之在臣位故衡德之大小而升降先君之次第也如以德之大小分昭穆則文王居昭武王居穆將文王之德降於武王乎此弗思悖理之適言言昭穆尙可衡德爲升降豈有同居穆位而不可因德以易其先後乎下文展禽但言順逆不言昭穆知昭穆未嘗亂也

也以次世之長幼而等胃之親疎也解長幼先後也等

齊也胃裔也夫祀昭孝也

解昭明也明孝道也各致齊

敬於其皇祖昭孝之至也

解皇大也故工史書世

工瞽師官也史太史也世世次先後也工誦其德史書其

言

疏故工史書世○周官瞽矇世奠繫注引杜子春云世奠繫謂帝繫諸侯卿大夫世本之屬是也小史

主次序先王之世昭穆之繫述其德行謚諡主誦詩并誦世繫以勸戒人君也又小史職云大祭祀讀禮史以書敘昭穆之俎簋注引鄭司農云大祭祀小史主敘其昭穆以其主奠繫世祭祀史主敘其昭穆次其知簋小史統於太史故宗祝書昭穆解宗宗伯祝太祝也宗韋解言太史也

掌其禮祝掌其位疏宗祝書昭穆○周公小宗伯掌三

子孫人屬之正名喪服小記曰親親疎鄭注三族謂父九太史凡大禮祀相尸禮注延其出入詔其坐作此宗祝掌禮掌猶恐其踰也今將先明而後祖解以信爲明位之事也

而升之是先禘而後祖自玄王以及主癸莫若湯解元

王契也主癸湯父也自稷以及王季莫若文武解稷弃

也王季文王父也商周之烝也未嘗躋湯與文武爲踰

也解不使相踰魯未若商周而改其常無乃不可乎弗

聽遂躋之展禽曰夏父弗忌必有殃夫宗有司之言順矣僂又未有明焉解未有明德犯順不祥以逆訓民亦不祥易神之班亦不祥不明而躋之亦不祥犯鬼道二解二易神之班躋不明也犯人道二解犯順以逆訓民也能無殃乎侍者曰若有殃焉在抑刑戮也其天札也解不終曰天疫死曰札唐云未名曰天失之矣曰未可知也若血氣強固將壽寵得沒解壽寵老壽而保寵也沒終也雖壽而沒不爲無殃解必以殃終也旣其葬也焚煙徹於上解已葬而火焚其棺槨也徹達也

莒大子僕殺紀公解紀公生僕及季宅旣立僕又愛季

宅而黜僕僕故殺紀公也以其寶來奔解寶玉也來奔

奔魯也或有魯字非也此魯語不當言魯宣公使僕人

以書命季文子解宣公文公之子宣公倭也命告也僕

人官名文子魯正卿季孫行父疏解宣公至行父釋

又作委文公子母敬嬴謚法善問周達曰宣史記魯世

家集解引世本公子友生齊仲齊仲生無逸無逸生行

父穀梁疏又引世本云季友生仲無佚佚曰夫莒大子

不憚以吾故殺其君而以寶來其愛我甚矣解憚難也

爲我予之邑今日必授無逆命矣解授予也里革遇之

而更其書解里革魯大史克也遇僕人見公書以大子

殺父大逆故更之曰夫莒大子殺其君而竊其寶來不

識窮固又自求過解固廢也邇近也爲我流之於夷解
夷東夷也今日必通無逆命矣解今日必通疾之之言
明日有司復命解有司司寇復反也文子得書使司寇
出之境明日反命於公也公詰之解詰問僕人以違命
意僕人以里革對解對以里革所更也公執之解執里
革也曰違君命者女亦聞之乎對曰臣以死奮筆奚啻
其聞之也解言所以觸死奮筆而更公命者不欲傷君
德耳奚何也何啻言所聞非一也疏臣以死奮筆○釋
書之也曲禮史載筆孔疏不云簡牘而云筆者筆是
書之主則條載可知案里革爲更書故云奮筆也臣
聞之曰毀則者爲賊解則法也掩賊者爲賊解掩匿也

竊寶者爲軌解亂在內爲軌謂以子盜父用軌之財者

爲姦解財寶也使君爲賊姦者不可不去也臣違君命

者亦不可不殺也公曰寡人實負非子之罪也乃舍之

宣公夏濫於泗淵解濫漬也漬畧於泗水之淵以取魚

也泗在魯城北又曰南門疏解泗在至南門○水經泗

魯縣北酈注泗水又西南流逕魯縣分爲二流水側有

一城爲二水之分會也北爲洙洙在魯城東北則泗水夫

洙京相璠服虔杜預並言洙水在魯城東北則泗水夫

子教於洙洙之間卽今於城北二水之中卽夫子領徒

之所也從征記曰洙泗二水交於魯城東北十七里闕

里背洙面泗郭緣生言泗水在城南非也史記家墓記

有夫子冢案泗在洙南魯城又在泗南故酈氏用韋前

一義里革斷其罔而棄之解罔網也疏解罔網也○說

也

結繩以漁罔九罟毛傳纓罟小魚之網也曰古者大寒降土蟄發解降下也

寒氣初下謂季冬建丑之月大寒之後也土蟄發謂孟

春建寅之月蟄始震也月令孟春蟄蟲始震魚上冰獺

祭魚

疏古者大寒降○漢書律歷志元枴初癸亥八度

周爲二月水虞於是乎講罟罟取名魚登川禽而嘗之寢廟

行諸國人助宣氣也

解水虞漁師也掌川澤之禁令講

罟也罟魚網也罟笱也名魚大魚也川禽鼈蜃之屬諸

之也是時陽氣起漁陟負冰故令國人取之以助宣

氣也月令季冬始漁乃嘗魚先薦寢廟唐云孟春誤矣

疏

罟也衛風碩人云施罟濊濊疏引李巡云魚罟捕魚

具也釋器又云寡婦之笱謂之鬐郭注引毛詩傳曰鬐曲梁也謂以薄爲魚笱邵晉涵曰今郭注引毛詩傳曰鬐節相維謂之魚薄設門焉隨潮爲啟今南方排竹水中疎云發笱門高注笱竹笱所以捕魚其門可入而不得出是其制也○解名魚至之屬○夏小正二月祭鮪而大嶽人春獻王鮪呂氏春秋仲春紀高注鮪似鯉而大龍門便爲龍鮪說文鮪鮪長丈餘仲春二鮪從西河上得過有聲矣鮪謂魚之大而有名者莫若鮪則取名魚營指薦鮪然鮪雖在於春而具捕之器講捕之方營則大寒後已先備矣天官鼈人嘗取之鼈以講捕之方營則大鄭司農注互物謂有甲鼈人嘗取之鼈以講捕之方營則大蛤邵晉涵曰互物謂有甲鼈人嘗取之鼈以講捕之方營則定將非梓先塞下以蟹禦淫也其一爲闌壙之蟹鄭康成焉其三年經天玉使蟹康成曰盛服之器以蟹爲因名之蟹也○解月令至誤矣○月令鄭注天子必親往視漁明漁非常事重之也此時魚潔美正義中秋以犬嘗特云嘗魚故云明漁非常事重之也唐氏以此季春薦鮪

釋季冬嘗魚故宏嗣糾之鳥獸孕水蟲成解孕懷子也此謂春時獸

虞於是乎禁罝羅猶魚鼈以爲夏稿解獸虞掌鳥獸之

禁令罝兔罝羅鳥罝也禁禁不得施也猶獾也稿乾也

夏不得取故於此時獾刺魚鼈以爲夏儲疏解罝兔至

爾雅釋器兔罝謂之罝郭注罝猶遮也太平御覽引舍人

爾雅注兔罝謂之羅郭注罝猶遮也太平御覽引舍人

云鳥罝謂之羅郭注罝猶遮也太平御覽引舍人

注鳥飛張網以羅之說文羅絡之詩王風疏引李恕爾雅

高注羅鳥網也○解獾也○羅以絲罝爲也呂覽季春紀

鄭司農注籍謂以秋刺泥中搏取之說文籍刺也惠士

奇曰獵莊子作擣冬則擣鼈於江卽西京賦所謂又族

之所謂獵擣東京賦瑞珎不族謂獵物也秋官有誓族氏

族謂又取之司農讀爲解稿乾之族謂巢鳥之巢猶魚

之穴故取之以名同○解稿乾之族謂巢鳥之巢猶魚

湯之初作罝以奉宗廟鮮犒乾周官籩人朝事之饔應鮑

爲犒犒稿古字通故稿訓乾周官籩人朝事之饔應鮑

魚鱸惠士奇引或說鱸卽蓴藏魚也古音若詐今音助
若想鮑亦煽乾之但不析耳此以魚爲夏槁之事

生阜也解阜長也鳥獸方孕故取魚鼈助生物也鳥獸

成水蟲孕水虞於是乎禁罾麗設解罾當爲罾罾

麗小網也穿陷也鄂柞格所以誤獸也謂立夏鳥獸已

成水蟲懷孕之時禁魚鼈之網設取獸之物也疏解罾

小網○荀子成相篇恐爲子胥身離凶進謀不聽劉而

獨鹿束之江楊注當是自劉之後盛以罾麗棄之江也

賈逵云罾麗小罾也此韋義所本明道本傳文作禁罾

罾麗黃丕烈札記據西京賦李善注與明道本同因謂

宋公序於正文刪罾字於注文刪罾字當爲罾改云罾當爲

罾麗之小者尙禁則大者可知故舉罾麗足以及罾況

置與罾形相似罾與罾形迥別罾安得轉寫成罾蓋古
書徵引各據所見之本不必盡同如上文講罾罾說文
引作溝罾罾安得就溝字以疑講字也○解罾陷至誤

獸○秋官雅氏春爲阱獲穿地爲壩以捕禽注獲柞鄂

也堅○地阱淺則設柞鄂於其中惠士奇曰淮南子曰走

跡獸○人脚蓋設柞鄂以擠其脚而獲之一名係蹄戰國

策云人有係蹄也而得虎者虎怒決蹄而去蹠虎掌延叔

堅曰係蹄獸絆也是謂柞鄂一名獸是以羆以實廟庖畜

獸足逸周書曰不卵不蹠以成鳥獸是也以實廟庖畜

功用也解以獸實宗廟庖廚也而長魚鼈畜四時功足

國財用也疏以實廟庖○說文庖廚屋周官庖人鄭注

禮運以炮以脯之義若包裹且夫山不槎桲解槎斫也

則菁茅橘柚皆膾斯名矣○爾雅釋詁烈桲餘也書疏

以株生曰桲疏引山不槎桲○爾雅釋詁烈桲餘也書疏

傳注引詩苞有三葉桲劉德云謂木斫髡而復桲生也

今毛詩本作葉說文作桲云伐木餘也淮南傲真訓作

桲又轉作肄汝瀆毛傳斬而復生曰肄槎澤不伐天解

漢書引作翟顏注翟邪斫木也葉髡斫之澤不伐天解

草木未成曰天疏有華之盛者天天其少壯也說文引

作沃云木少盛貌鮑風天之沃沃毛傳魚禁鯢鮪解鯢

魚子也鮪未成魚也疏詩魚禁鯢鮪○爾雅釋魚鯢魚子

總名爲鯢禮內則濡魚卵醬實李巡爾雅注凡魚之子

子或作鯢邵晉涵曰魚易生子大寒降取名魚亦有懷

美者東海之鮪高注鮪一云魚子則即木成魚也豔

長慶解鹿子曰慶麋子曰麋疏獸長麋麋○爾雅釋

問訓孟孫獵而得麋使秦巴西持歸烹之麋毋隨之而

帝則鹿麋蓋通字王制不膳不卵鄭注重傷物未成也

術訓不取麋天高注麋子曰天是也鳥翼燬卵解翼

成也生哺曰穀未孚曰卵疏解翼成至日卵○翼成也

如卵子翼而長之淮南秦族訓卵之化爲雛非慈雌嘔

暖覆伏累日積久則不能爲雛也爾雅釋鳥生哺穀郭

注鳥子須母食之漢書東方朔傳注引項昭曰凡鳥哺

子而活者曰穀生而自啄曰雛莊子天地篇鶉居而穀

師存侍解師樂師存名也曰藏吾不如真里革於側之
不忘也解真置也

子叔聲伯如晉謝季文子解子叔聲伯魯大夫宣公弟
叔肸之子公孫嬰齊也謝季文子者魯叔孫僑如欲去
季氏譖季文子於晉晉人執之卻犢之妻聲伯之外妹
也故魯成公使聲伯如晉謝之且請之事在魯成十六
年卻犢欲與之邑弗受也解卻犢晉卿苦成叔也以妻
故親聲伯故欲爲請邑以予之歸鮑國謂之曰子何辭
苦成叔之邑欲信讓邪抑知其不可乎解鮑國鮑叔牙
之元孫鮑文子也去齊適魯爲施孝叔臣對曰吾聞之

不厚其棟

疏

棟不厚

其棟

○說文

棟極

也

繫傳

極屋脊

之中也

極亦訓爲中

儀禮

鄉射記

鄭注

是制五架之屋也

正中

不

能任重

解

厚大也

任勝也

重莫如國

棟莫如德

解

言國

至重非德不任

國棟夫苦成叔家欲任兩國而無大德

解

任負荷也

兩國晉魯也

其不存也

亡無日矣

譬之如

疾余恐易焉

解

疾疫癘也

位下而欲上政

解

位爲下鄉而欲專國政無大功而欲

大祿皆怨府也

解

怨之所聚故曰府

其君驕而多私

解

其君謂厲公也多私多嬖臣也

勝敵而歸必立新家

解

勝敵敗楚也

大夫桐家立新家謂立所幸胥童之屬爲

勝敵敗楚也

大夫桐家立新家謂立所幸胥童之屬爲

勝敵敗楚也

大夫桐家立新家謂立所幸胥童之屬爲

勝敵敗楚也

大夫桐家立新家謂立所幸胥童之屬爲

大夫立新家不因民不能去舊解不因民之所惡不能去舊卿也因民非多怨民無所始解言邵氏多怨民所始伐也爲怨三府可謂多矣解三謂少德而多寵位下而欲上政無大功而欲大祿也其身之不能定焉能予人邑鮑國曰吾信不若子若鮑氏有讐吾不圖矣解覺兆也言鮑氏若有禍兆吾不能豫圖之今子圖遠以讓邑必常立矣

晉人殺厲公解晉人晉欒書中行偃也邊人以告解邊人疆場之司成公在朝解成公魯宣公之子成公黑肱也公曰臣殺其君誰之過也大夫莫對里革曰君之過

也夫君人者其威大矣解君天也故其威大矣失威而

至於殺其過多矣解過不積不至於殺且夫君也者將

牧民而正其邪者也若君縱私回而棄民事解回邪也

民有慙無由省之解慙惡也省察也益邪多矣若以

邪臨民陷而不振解陷墜也振救也用善不肯專則不

能使至於殄滅而莫之恤也將安用之解安用君也桀

奔南巢解南巢揚州地巢伯之國也今廬江居巢縣是

也疏桀奔南巢○史記夏本紀帝皐崩子帝發立帝發

桀名也案帝皐生發及桀此以發生桀皇甫謐曰桀索隱曰

郡古文武王十三年巢伯來賓後漢郡國志廬江有居

巢侯國故知古之巢國卽今之居巢夏本紀又言湯率

兵伐桀桀走鳴條遂放而死匈奴列傳索隱引桀彥居

地譜云夏桀無道湯放之鳴條蓋鳴條者敗桀之地南
巢者竄伏之所也本紀正義引括地志廬州巢縣有巢
湖卽成湯伐桀放於南巢者也淮南子云湯敗桀於
與妹喜同舟浮江奔南巢之山而死國語云滿於巢湖
齡案正義所引國語逸文及諸說並與此傳同唯尚書
大傳湯放桀居中野士民皆奔湯桀與屬五百人南徙
十里止於不齊不齊士民往奔湯桀與屬五百人南徙
於魯魯士民復奔湯桀曰國君之有也吾聞海外有人
與五百人俱去此則秦紂跽於京解跽斃也京殷京師
漢之際傳聞異辭耳紂跽於京解跽斃也京殷京師
也疏紂跽於京○路斃也者襄十四年傳與晉跽之孔
兵忌東面而迎太歲至汜而汜至武王誅紂行之日以
山墜霍叔懼曰三日而五災至無乃不可乎周公曰剖
比干而囚箕子飛廉惡來知政又惡有不可焉遂還馬
而進朝食于戚暮宿于百泉厭旦於牧之野鼓之而紂
卒易鄉遂乘殷人而進誅紂殷京師者卽史記正義引
括地志所云衛州東北七十三里朝歌故城是其地也

厲不於彘

解

厲周厲王也彘晉地幽滅於戲解幽幽王

爲西戎所殺戲戲山在西周

疏

注幽滅於戲。戲水又東石川水南。

注焉渭水又東戲水注之水出麗山焉。公谷東北流。又

北逕戲亭。東應劭曰戲宏農湖縣西界也。地隔諸縣不

得爲湖縣。西蘇林曰戲邑名。在新豐東南四十里。孟康

曰乃水名也。今戲亭是也。犬戎敗幽王於戲。水上身死。

於麗山之北。漢書高帝紀顏注戲在新豐東。今有戲水。

驛其水本出藍田北界橫嶺至此而北流。入渭。詩王風

孔疏引孔晁國語注戲。西周地名。史記言麗山國語云

於戲。則是驪山之下有地。名戲。皇甫謐曰。今京兆新豐

東二十里。戲亭是也。潘岳西征賦云。軍敗戲水之上。身

死。麗山之北。則戲水名。章昭云。戲山名。非也。齡案宏嗣

因戲水發源於麗山。遂以麗山爲戲山。故孔穎達糾正

之然稷死於黑水之山。則山亦可以水名也。至路史國

名紀注引西京道里記謂皆是術也。解術道也。皆失威

幽褒戲此而名。則妄矣。

多過之道夫君也者民之川澤也行而從之美惡皆君

之由民何能爲焉

解

川澤者以君喻川澤民喻魚也從

之者魚從川之美惡以爲肥瘠

季文子相宣成無衣帛之妾無食粟之馬仲孫它諫

解

仲孫它魯孟獻子之子子服它也曰子爲魯上卿相二君矣妾不衣帛馬不食粟人其以子爲愛且不華國乎

解愛吝也華榮華也文子曰吾亦願之

解願華侈也然

吾觀國人其父兄之食麤而衣惡者猶多矣吾是以不敢人之父兄食麤衣惡而我美妾與馬無乃非相人者

乎且吾聞以德榮爲國華

解

以德榮顯者可以爲國光

華不聞以妾與馬文子以告孟獻子

解

獻子它之父仲

孫蔑也獻子囚之七日

解

囚拘也自是子服之妾衣不

過七升之布

解

子服卽它也八十縷爲升

疏

衣不至之

傳斬衰三升既虞卒哭受以成布七升既升雖已成布而爲極麗者漢律布

謂之總總曰升升曰登又漢令徒隸衣馬餼不過稷莠

七縷布八十縷曰稷則稷總升登一也

疏

馬餼不過稷莠

解 餼稷也稷童根也莠草似稷而無實

草根童梁曹風下泉疏引陸機疏云秀爲穗莠則

謂之童梁今人謂之宿田翁或謂之守田邵晉涵曰陸

機所說與許叔重同南方農諺謂之扁子礲瘠之地與

雨陽不時人力不齊則穀有稗而無米謂之稗也秀者

說文禾粟下揚生莠詩疏引鄭志韋曜問甫田維莠今

何草答曰今之狗尾也今狗尾草所在有之狀誠似稷

民之上也使爲上大夫

國語正義卷第四終